

Broj: 01-01.3-4320-10/19 MA  
Datum: 31.10.2019. godine

Na osnovu člana 70. stav (4) Zakona o javnim nabavkama ("Službeni glasnik BiH", broj: 39/14), direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

### ODLUKU o otkazivanju postupka javne nabavke

I

Konkurentski zahtjev za dostavu ponuda za nabavku radova „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“, broj: 01-01.3-4320/19 MA, skupa sa Obavještenjem o nabavci, broj: 266-7-3-236-3-175/19 objavljenim na Portalu javnih nabavki dana 02.10.2019. godine, otkazuje se u skladu sa članom 69. stav (3) Zakona o javnim nabavkama (u daljem tekstu: Zakon), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba).

### O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 17. stav (1), 18. stav (1) i 87. stav (2) Zakona pokrenulo konkurentski zahtjev za dostavu ponuda, broj: 01-01.3-4320/19 MA za nabavku radova: „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“. Na Portalu javnih nabavki objavljeno je Obavještenje o nabavci, broj: 266-7-3-236-3-175/19 dana 02.10.2019. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 14.10.2019. godine u 10:30 sati u prostorijama JP Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da je blagovremeno ponudu predao 1 (jedan) ponuđač.

Shodno članu 65. Zakona, komisija je sačinila i dostavila Zapisnik o pregledu i ocjeni ponuda, broj: 01-01.3-4320-5/19 MA od 16.10.2019. godine, te je donesena Odluka o izboru najpovoljnijeg ponuđača, broj: 01-01.3-4320-6/19 MA od 17.10.2019. godine, kojom se ugovor za nabavku radova: „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“ dodjeljuje ponuđaču – grupi ponuđača GeoAVAS d.o.o. Sarajevo i Filozofski fakultet, Univerzitet u Sarajevu, koji je jedini dostavio ponudu koja je prihvatljiva.



Izabrani ponuđač – grupa ponuđača je bio dužan prije zaključivanja ugovora, u roku od 3 (tri) dana od dana prijema Odluke o izboru najpovoljnijeg ponuđača, dostaviti:

- originale ili ovjerene kopije dokumenata kojima dokazuje ispunjavanje uslova lične sposobnosti iz člana 45. Zakona, za oba člana grupe ponuđača,
- original ili ovjerenu kopiju pravnog akta o udruživanju u grupu ponuđača radi učešća u postupku javne nabavke iz kojeg je jasno vidljiva utvrđena solidarna odgovornost između članova grupe ponuđača za obaveze koje preuzima grupa ponuđača.

Naprijed navedena dokumentacija je predstavljala uslov za zaključivanje ugovora, kako je zahtjevano tenderskom dokumentacijom (tač. 2.1.3 i 3.2 tenderske dokumentacije).

Izabrani ponuđač – grupa ponuđača GeoAVAS d.o.o. Sarajevo i Filozofski fakultet, Univerzitet u Sarajevu u ostavljenom roku od 3 (tri) dana od dana prijema Odluke o izboru najpovoljnijeg ponuđača nije dostavio zahtijevanu dokumentaciju.

Izabrani ponuđač – grupa ponuđača GeoAVAS d.o.o. Sarajevo i Filozofski fakultet, Univerzitet u Sarajevu je dostavio dopis kojim zahtijeva produženje roka za dostavu naprijed navedene dokumentacije, akt broj: 215-1/19 od 22.10.2019. godine. Ugovorni organ nije odobrio produženje roka, iz razloga što isto nije dozvoljeno u skladu sa Zakonom, a o tome je obavijestio izabranog ponuđača – grupu ponuđača GeoAVAS d.o.o. Sarajevo i Filozofski fakultet, Univerzitet u Sarajevu, aktom broj: 01-01.3-4320-8/19 MA od 24.10.2019. godine.

S obzirom na činjenicu da je izabrani ponuđač – grupa ponuđača propustio dostaviti dokumentaciju koja je bila uslov za zaključivanje ugovora, te da je isti jedini učesnik u predmetnom postupku, ugovorni organ nije u mogućnosti postupiti u skladu sa članom 72. stav (3) tačka b) Zakona, odnosno dostaviti prijedlog ugovora ponuđaču čija je ponuda po rang-listi odmah nakon ponude najuspješnijeg ponuđača, komisija daje prijedlog da se konkurentski zahtjev za dostavu ponuda za nabavku radova „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“ otkáže, u skladu sa članom 69. stav (3) Zakona, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno navedenom odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Službena zabilješka, broj: 01-01.3-4320-9/19 MA od 25.10.2019. godine

direktor:  
  
.....  
**Adnan Terzić, dipl.ing.**



Broj: 01-01.3-4320-9/19 MA  
Datum: 25.10.2019. godine

## SLUŽBENA ZABILJEŠKA

**Predmet:** Konkurentski zahtjev za nabavku radova „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“

Nakon dostavljanja Odluke o izboru najpovoljnijeg ponuđača broj 01-01.3-4320-6/19 MA od 17.10.2019. godine u konkurentskom zahtjevu za dostavu ponuda za nabavku radova: „Izvođenje radova zaštitnih arheoloških istraživanja i izmještanja tumula na dionici autoceste Počitelj-Zvirovići“, dostavljene putem e-mail-a dana 21.10.2019. godine, izabrani ponuđač – grupa ponuđača GeoAVAS d.o.o. Sarajevo i Filozofski fakultet, Univerzitet u Sarajevu nije u ostavljenom roku od 3 (tri) dana od dana prijema Odluke o izboru najpovoljnijeg ponuđača dostavio dokumente koje je bio dužan dostaviti u skladu sa tač. 2.1.3 i 3.2 tenderske dokumentacije, broj: 01-01.3-4320-1/19 MA, te tačkom 25. Zapisnika o pregledu i ocjeni ponuda, broj: 01-01.3-4320-5/19 MA od 16.10.2019. godine, koji je sastavni dio Odluke o izboru najpovoljnijeg ponuđača, broj 01-01.3-4320-6/19 MA od 17.10.2019. godine i koji je uz istu i dostavljen izabranom ponuđaču – grupi ponuđača.

Shodno tome, sa izabranim ponuđačem – grupom ponuđača se neće zaključiti ugovor o javnoj nabavci, s obzirom da je dostavljanje zahtijevane dokumentacije u ostavljenom roku bio uslov za zaključenje ugovora, kako je i navedeno u tački 25. Zapisnika o pregledu i ocjeni ponuda.

Članovi komisije:

Melika Alajbegović, predsjednik komisije

Amra Kahrimanović, član komisije

Adnan Alikadić, član komisije

.....  
.....  
.....

